

Visoki predstavnik će razmotriti Izvještaj privremene upraviteljice o Hercegovačkoj banci

Visoki predstavnik, Paddy Ashdown, će razmotriti Izvještaj koji je danas izdala privremena upraviteljica Hercegovačke banke, i donijeti odluku o budućnosti ove Banke, vjerovatno prije kraja ove godine.

U skladu sa odredbama Zakona o bankama FBiH, visoki predstavnik će morati da izabere između tri opcije:

- prvo, likvidiranje Banke.
- drugo, dokapitalizacija i restrukturiranje Banke.
- treće, prodaja Banke.

Odluka visokog predstavnika će biti zasnovana prvenstveno na onom što je u najboljem interesu štediša i lokalne privrede, te na onom što je potrebno da se osigura da se zakon poštuje te da se sačuva integritet kako bankarskog sistema tako i Ustava.

OHR će se suzdržati od daljnjih komentara o ovom izvještaju sve dok visoki predstavnik ne bude spreman da donese svoju odluku.